



REPUBLIKA E KOSOVËS
REPUBLIKA KOSOVA – REPUBLIC OF KOSOVO

OSNOVNI SUD GNJILANE

Numri i lëndës: 2022:231262

Datë: 06.12.2022

Numri i dokumentit: 03719125

CP.nr.1019/2022

GJYKATA THEMELORE NË GJILAN, Departamenti i Përgjithshëm, gjyqtari Milorad Mitković, me bashkëpunëtorin profesional Baki Sylejmani, në lëndën përbarimore të kreditores E.S.nga Gj. të cilën sipas autorizimit e përfaqëson Mustafë Nuhiu, avokat nga Gjilani, kundër debitorit Spitali i Përgjithshëm në Gjilan, Rr.”Idriz Seferi” nr.10, lidhur me kompensimin e shpërblimit jubilar sipas dokumentit përbarimor, aktgjykimit të Gjykatës Themelore në Gjilan, C.nr.74/2021 të datës 30.11.2021, jashtë seance gjyqësore, në kuptim të nenit 152 të Ligjit për Procedurën Përbarimore (LPP), më datë 05.12.2022, mori këtë:

A K T V E N D I M

I. Urdhërohet Ministria e Ekonomisë dhe Financave – Thesari në Prishtinë që mjetet monetare nga xhirollogaria e debitorit Spitali i Përgjithshëm në Gjilan, Rr.”Idriz Seferi” nr.10, që në emër të shpërblimit jubilar, shuma prej 681.41 euro; në emër të shpenzimeve të procedurës kontestimore, shuma prej 124.00 euro; si dhe në emër të shpenzimeve të procedurës përbarimore, shuma prej 176.00 euro; apo shuma e përgjithshme prej **981,41 euro**, t’i bartet të autorizuarit të kreditores, av.Mustaf Nuhiu nga Gjilani, në llogarinë rrjedhëse me nr. të xhirollogarisë: 1406000005861930 në Bankën Ekonomike, pasi që aktvendimi mbi caktimin e përbarimit CP.nr.1019/22 i datës 08.11.2022, është bërë i ekzekutueshëm nga data 18.11.2022 në kuptim të nenit 152 të Ligjit për Procedurën Përbarimore.

II. Pika I e këtij dispozitivi e ka efektin e aktvendimit mbi caktimin e përbarimit me të cilin është caktuar sekuestrimi i kredisë në të holla të debitorit dhe kalimi i saj për arkëtim në dobi të kreditorit në kuptim të nenit 152 të Ligjit për Procedurën Përbarimore.

III. Aktvendimi i dorëzohet palëve ndërgjyqësore, Ministrisë së Ekonomisë dhe Financave-Thesarit në Prishtinë, ndërsa një ekzemplar mbetet në lëndë.

A r s y e t i m

Kreditorja, përmes të autorizuarit të saj, më datë 03.11.2022, ka parashtruar propozim për përmbarrim kundër debitorit, lidhur me pagesën në emër të shpërblimit jubilar në bazë të Aktgjykimit të Gjykatës Themelore në Gjilan, C.nr.74/2021 të datës 30.11.2021, të plotfuqishëm nga data 14.12.2021 dhe të ekzekutueshëm nga data 22.12.2021, si dhe shpenzimet e procedurës përmbarrimore, të gjitha këto në shumën e përgjithshme prej 981,41 euro.

Pasi që aktvendimi mbi caktimin e përmbarrimit lëndor është bërë i formës së prerë nga data 18.11.2022, në kuptim të nenit 152 të LPP-së, si dhe nenit 40 të Ligjit për Menaxhimin e Financave Publike dhe Përgjegjësitë, Nr. 03/L-48 (LMFPP) janë plotësuar kushtet ligjore për të vendosur si në dispozitiv të këtij aktvendimi duke e trajtuar aktvendimin në pikën I të dispozitivit si aktvendim me të cilin është caktuar sekuestrimi i kredisë në shumën monetare lëndore të debitorit në fjalë dhe kalimin e saj për arkëtimin në dobi të kreditorit në fjalë.

Sa i përket shpenzimeve në emër të procedurës përmbarrimore, dhe atë për përpilimin e propozimit shumën prej 156.00 euro, si dhe në emër të taksës gjyqësore për këtë propozim shumën prej 20.00 euro, gjykata në bazë të nenit 13.4 të LPP-së, ka vendosur që edhe këto shpenzime të procedurës të bien mbi barrën e debitorit, pasi që i njëjti nuk i ka pëmbushur detyrimet e parapara me dokumentin përmbarrues lëndor, si dhe kreditori nuk ka dhënë shkas në krijimit e shpenzimeve të procedurës përmbarrimore.

Kundër këtij aktvendimi nuk është e lejuar ankesa, pasi në nenin 14, parag. 2 të LPP-së, lidhur me nenet 143 deri 156 nga Kreu IV i po këtij ligji nuk është paraparë paraqitja e ankesës kundër aktvendimit me të cilin urdhërohet banka ose ndonjë institucion tjetër përkatës, siç kemi të bëjmë me rastin konkret si në dispozitiv të këtij aktvendimi të bazuar në dispozitat e nenit 152 të LPP-së, përkitazi me përmbarrimin për kredinë sipas llogarisë në bankë. Arkëtimi lëndor i kredisë në të holla nga ana e subjekteve të caktuara siç kemi të bëjmë me rastin konkret, është rregulluar me nenin 40 të LMFPP-së.

GJYKATA THEMELORE NË GJILAN CP.nr.1019/2022, më datë 05.12.2022

**Gjyqtari,
Milorad Mitković**

UDHËZIM JURIDIK: Kundër këtij aktvendimi nuk është e lejuar ankesa.